

皇

清

經

解

皇

清

經

解

皇清經解卷七百七十八

學海堂

儀禮釋官

績溪胡明經

匡衷著

官聘禮

宰命

宰夫

命宰夫見大射儀

宰命司馬戒眾介注宰上卿貳君事者也諸侯謂司徒為宰疏

天子有六卿天地四時之官是諸侯兼官而有三卿立地官司

徒兼冢宰立夏官司馬兼春官立冬官司空兼秋官是以左氏

杜泄云吾子為司徒叔孫為司馬孟孫為司空故禮記內則云

后王命冢宰降德于眾兆民鄭云周禮冢宰掌飲食司徒掌十

二敎令一云冢宰記者據諸侯也諸侯并六卿爲三或兼職焉是其諸侯并六卿爲三諸侯以司徒爲冢宰義與此同

宰書幣注宰又掌制國之用疏宰卽上命司馬兼官者也案王制云冢宰制國用必於歲之杪是以使之書幣也

案周禮大宰職以九式均節財用六曰幣帛之式故掌書幣命宰夫官具注宰夫宰之屬也命之使眾官具幣及所宜齎疏所命者冢宰司徒命之以宰夫屬司徒周禮宰夫掌百官府之徵令故命諸官云官具者謂使宰夫命諸官各具所行幣幣在官之府其司非一故言眾官

案周禮宰夫職凡禮事贊小宰比官府之具故命之使諸官具幣餘詳大射儀

宰夫朝服設殮

案周禮宰夫職掌賓賜之殮注殮客始至所致禮謂此
宰夫徹几改筵注宰夫又主酒食者也將禮賓徹神几改神席
更布也疏對上宰夫設殮今又主酒食以禮賓也

案周禮宰夫職掌賓客之飲食注飲食燕饗也是其又主酒
食之事故此禮賓實鬴薦籩豆脯醢皆宰夫掌之

記宰夫獻注為主人代公獻

案儀禮經內所言宰夫皆與周禮宰夫職合惟此記云宰夫
獻則指謂膳宰與燕義使宰夫為獻主同辨見燕禮儀禮經是周

公所作其記出於後儒之手如士冠禮記引孔子之言則作

記者在春秋後可知春秋時通稱膳宰為宰夫見燕禮膳宰故此

記因之亦云宰夫獻也

司馬

見大射儀

宰命司馬戒眾介注眾介者士也士屬司馬周禮司馬之屬司士掌作士適四方使爲介疏云士屬司馬引周禮者案司士屬司馬而云作士適四方使爲介諸侯之司馬亦然故引以證諸侯司馬戒眾介也

案此司馬卿官兼宗伯者

司馬執策立于其後注禮君行師從卿行旅從司馬主軍法者執策示罰

案此司馬之屬官從聘賓行者左傳宋華耦來盟其官皆從

之孔疏云聘禮之文有上介眾介至所聘之國誓于其境則
史讀書司馬執筴賈人拭玉有司展幣其從羣官多矣詩駉
蠻之篇言大臣出行微臣隨從是大夫出使有官從之也大
夫本有家司馬此爲君聘上介士介皆公臣則司馬當亦公
臣周禮大司馬以下至伍長皆得稱司馬故有公司馬兩司
馬之稱周禮公司馬執錡注杜子春云公此司馬蓋其類也
司馬謂五人爲伍伍之司馬也

管人

管人布幕于寢門外注管猶館也館人謂掌次舍帷幕者也疏
云館人謂掌次舍帷幕者案天官有掌舍掌次幕人等掌次云
有邦事則張幕設案掌舍職云爲帷官設旌門又幕人云掌帷
幕幄帟綬之事鄭云在旁曰帷在上曰幕幕或在地展陳於上

皇清經解 卷一百一十一
三
卽此布幕是也館人卽彼掌舍以諸侯兼官故鄭總言之也下
記云宗人授次次以帷則館人與宗人共掌之若賓客則宗人
掌之也

記館人爲客三日具沐五日具浴注管人掌客館者也

案鄭注釋管爲館士喪禮注云管人主館舍者左傳楚公子
圍聘於鄭將入館子羽辭曰敝邑館人之屬也杜注館人守
舍人是管人與館人爲一其職掌館舍明矣疏以爲卽周禮
掌舍兼掌次幕之事考周禮無管人之官而掌舍與幕人掌
次聯職或當如疏所云也喪大記云管人汲又云管人授御
者沐是掌沐浴其職也此經釋文云管人掌館舍之官禮記
釋文云管人如字掌管籥之人又古亂反掌館舍之人則所

傳異也周禮掌舍掌次幕人皆下士則管人當士旅食爲之
又案左傳襄二十八年子產相鄭伯以如楚舍不爲壇外僕
言曰昔先大夫相先君適四國未嘗不爲壇杜注外僕掌次
舍者昭十三年傳子產命外僕速張於除杜注張幄幕又襄
三十一年傳諸侯賓至僕人巡宮哀二十一年傳爲僕人之
末次請除館于舟道杜注次舍也所言外僕僕人皆與管人
職掌略同豈諸侯之管人春秋時改名外僕又稱爲僕人與

史

史讀書展幣

案書卽上宰所書用幣之數者周禮大史職曰大會同朝覲
以書協禮事及將幣之日執書以詔王是讀之者大史也

誓于其境賓南面上介西面眾介北面東上史讀書注史於眾介之前北面讀書以勅告士眾爲其犯禮暴掠也

案上云史讀書展幣謂聘幣之書也此云史讀書謂誓戒之書也左傳楚公子棄疾聘於晉過鄭禁芻牧採樵不入田不樵樹不采蓺不抽屋不强匄誓曰有犯命者君子廢小人降是其誓書之類周禮掌客職云凡介行人宰史皆有殽饗餼注凡介行人宰史眾臣從賓者也史主書案彼諸侯相朝法此大夫出聘亦有史從也掌客疏云史大史之屬官則此史亦非大史也

內史

出注○
附外史

周禮內史中大夫一人下大夫二人上士四人中士八

人下士十有六人外史上士四人中士八人下士十有

六人諸侯內史當下大夫外史當中士爲之內史亦曰

右史

〔記〕主人使人與客讀諸門外〔注〕人內史也〔疏〕鄭知人是內史者

案內史職云凡四方之事書內史讀之此云使人與客讀諸門

外者亦是四方事書故知人是內史也

案周禮有大史小史內史外史御史諸侯亦有太史小史之

官見大射儀此注云人內史尙書酒誥云大史友內史友左

傳季孫召外史掌惡臣而問盟首焉

孔疏云周禮外史掌書外令掌四方之志魯亦

立此官則諸侯亦有內史外史明矣禮記玉藻云動則左史書

之言則右史書之孔疏引熊氏云按周禮大史之職云大師

紀天時與大師同車又襄二十五年傳曰大史書曰崔杼弑其君是大史記動作之事在君左廂記事則大史爲左史也按周禮內史掌王之八柄其職云凡命諸侯及孤卿大夫則策命之僖二十八年傳曰王命內史叔興父策命晉侯爲侯伯是皆言誥之事是內史所掌在君之右故爲右史是以酒誥鄭注云太史內史掌記言記行是內史記言大史記行也今案大戴禮盛德篇云內史太史左右手也盧辯注云大史爲左史內史爲右史亦與熊說同考左傳諸國皆有大史而無內史又晉有左史謂魏莊子

杜注左史
晉大史

楚有左史倚相而

不見右史者春秋時典禮廢墜史官不修唯魯備立其官有

魯

外史則有韓宣子聘魯觀書於大史氏見易象與魯春秋曰

內史可知

周禮盡在魯而他國可知矣是以鄭使大史命伯石爲卿兼
內史策命之事則東遷後史官廢闕不能依禮之故孔穎達
春秋序疏遂謂諸侯無內史又謂外史身居在外非官名失
之矣

祝

有司筵几于室中祝先入主人從入主人在右再拜祝告又再
拜

主人立于戶東祝立于牖西

案此祝大夫之家臣見少牢饋食禮

〔記〕僕爲祝祝曰孝孫某孝子某薦嘉禮于皇祖某甫皇考某子
〔注〕僕爲祝者大夫之臣攝官也〔疏〕云僕爲祝者大夫之臣攝官

也者若然諸侯不攝官使祝祝策矣案定四年祝佗云嘉好之事君行師從卿行旅從則臣無事若君到主國祭饗之時得不攝官乎諸侯不使人攝是以覲禮云侯氏裨冕釋幣於禩注云釋幣於禩之禮既則祝藏其幣歸乃埋之於祧西階之東大夫使僕攝祝則是本無祝官與諸侯異矣其諸侯禮大祝不行知不使小祝行者以其掌客云羣介行人宰史是諸侯從官不言祝明大小祝俱不行矣

案據左傳則嘉好之事君與卿出竟祝皆不從但大夫之臣攝官其常故注言之疏謂大夫本無祝官非是少牢大夫禮有祝又左傳范文子反自鄢陵使其祝宗祈死是大夫之臣有祝也

賈人

庶人在官者次於府史

賈人西面坐啟櫝取圭垂纁不起而授宰注賈人在官知物賈者疏謂若王制云庶人之在官府史胥徒之類以知物賈故名賈

案王制庶人在官者注謂府史之屬孔疏云之屬者謂工人賈人及胥徒也禮記少儀臣致褻於君則曰致廢衣於賈人注賈人知物善惡也周禮王府掌凡王之獻金玉兵器文織良貨賄之物受而藏之有賈八人案周禮序官若庖人大府王府職幣典婦功典絲泉府馬質羊人巫馬犬人諸職皆有賈此賈人當爲府官之屬周禮王府內府皆掌金玉內府職

曰凡適四方使者共其所受之物而奉之與此經合也

關人

周禮司關上士二人中士四人每關下士二人諸侯謂之關尹當中士爲之每關亦有關人當士旅食爲之

乃謁關人注古者竟上爲關以譏異服識異言疏王城十二門通十二辰辰有一門一關諸侯未知幾關魯廢六關半天子則餘諸侯亦或然也周禮司關上士二人中士四人又云每關下士二人但司關爲都總主十二關居在國都每關下士二人者各主一關今所謂關人者謂告每關關人來告司關司關爲之告王故司關職云凡四方之賓客叩關則爲之告是也

案據下云遂以入竟則關人自是竟上每關關人疏說分析

甚確國語單子云周之秩官有之曰敵國賓至關尹以告章

注關尹司關掌四方賓客啟關則爲之告又引此經爲證是

關人之長天子謂之司關諸侯謂之關尹其職掌一也有天子

門諸侯亦謂之門尹見卷八

老

勞者出授老幣注老賓之臣疏大夫家臣稱老若趙魏臧氏老

之類也

賓降授老幣注老家臣也

賓迎再拜老牽牛以致之注老室老大夫之貴臣疏案喪服傳

曰室老士貴臣其餘皆衆臣也鄭注云室老家相也士邑宰也

卽此室老貴臣者家相邑宰之屬故爲貴臣也